



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-335-4/22**
Datum: **18.07.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica JP „Vodovod i kanalizacija“ d.o.o. Zenica za donošenje rješenja o vodnoj dozvoli za zahvatanje vode sa izvorišta „Kruščica“ a za potrebe snabdijevanja pitkom vodom potrošača na području grada Zenica i općine Vitez, na osnovu člana 139. stav 1. tačka 1. Zakona o vodama („Službene novine Federacije BiH“, broj 70/06) i člana 200. stav 1. Zakona o upravnom postupku („Službene novine Federacije BiH“ br. 2/98 i 48/99), donosi

R J E Š E N J E

o vodnoj dozvoli

1. Daje se vodna dozvola pravnom licu Javnom preduzeće „Vodovod i kanalizacija“ d.o.o. Zenica, za zahvatanje vode sa izvorišta „Kruščica“, u količini od 520 l/s, a u svrhu snabdijevanja pitkom vodom potrošača na području grada Zenica i općine Vitez.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz slijedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom prirodom i namjenom i izdatim vodnim aktima.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenje ili uništenja.
 - 2.3. Da korisnik predmetnih objekata obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o higijenskoj ispravnosti vode za piće („Službeni glasnik BiH“, br. 40/10, 43/10, 30/12 i 62/17), vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o higijenskoj ispravnosti vode za piće.
 - 2.6. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.7. Da se na području vodozahvatne zone sprovode zaštitne mjere za izvorišta po „Odluci o zonama sanitarne zaštite i zaštitnim mjerama za izvorište Kruščica“ broj 01-3-25-2626/16 od 03.08.2016. godine, kao i „Odluke o izmjeni i dopuni Odluke o zonama sanitarne zaštite i zaštitnim mjerama za izvorište Kruščica“ broj 01-3-25-275/17 od 31.01.2017. donesenim od strane Općinskog Vijeća Vitez.
3. Korisnik objekata treba da, u cilju kontrole, evidencije i plaćanja količina zahvaćene vode, vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i

Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

4. Prava stečena po ovoj dozvoli ne mogu se prenositi na treća lica.
5. U ovoj upravnoj stvari plaćene su sve upravne pristojbe.
6. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
7. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole.
8. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
9. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP „Vodovod i kanalizacija“ d.o.o. Zenica, obratilo se ovoj Agenciji dana 29.06.2022. godine sa zahtjevom za izdavanje vodne dozvole za zahvatanje vode sa izvorišta „Kruščica“ a u svrhu snabdijevanja vodom potrošača na području grada Zenica i općine Vitez.

U provedenom postupku dostavljena je i pregledana slijedeća dokumentacija:

- Ovjereni kopiji Rješenja o izmjenama podataka o upisu subjekta upisa u sudski registar broj: 043-0-Reg-21-001134 izdatog 03.11.2021. godine, od strane Općinskog suda u Zenici.
- Ovjereni kopiji Uvjerjenja o poreskoj registraciji, izdatog 15.03.2012.godine od strane Porezne uprave – Kantonalni ured Zenica,
- Ovjereni kopiji Uvjerjenja o registraciji/upisu u Jedinostveni registar obveznika indirektnih poreza broj: 04/1-1-UPJR/1-4461-4/14 izdatog 12.11.2014.godine, od strane Uprave za indirektno-neizravno oporezivanje,
- Kopija uplatnice upravne takse,
- Kopija Odluke o vodovodu i kanalizaciji, Službene novine općine Zenica broj: 8/11,
- Kopija Odluka o zonama sanitarne zaštite i zaštitnim mjerama za izvorišta „Kruščica“, broj: 01-03-25-1-2626/16 donesene 03.08.2016. godine od strane Općinskog vijeća Vitez, Projekat rekonstrukcije zeničkog vodovoda, ,
- Kopija Rješenja o vodnoj dozvoli, broj: UP-I/25-3-40-438-3/17 izdatog 17.07.2017. godine od strane ove Agencije,
- Kopija Rješenja o odobrenju gradnje kaptažnih objekata na izvorištu „Kruščica“, broj:03/1-638/1-68 izdatog 04.06.1968. godine od strane Sekreterijata za privredu i komunalne djelatnosti opštine Vitez,
- Kopija Rješenja o odobrenju za upotrebu vodovoda Kruščica – Vitez - Zenica, broj: 03/I-531/1-70 izdatog 16.12.1971. godine od strane Sekreterijata za finansije, privredu i komunalne i inspeksijske poslove opštine Vitez,
- Elaborat – Noveliranje zona sanitarne zaštite izvorišta „Kruščica“ urađen maja 2016. godine od strane Zavoda za vodoprivredu d.d. Sarajevo,
- Konačni izvještaj o reviziji projektne dokumentacije Elaborat noveliranih zona sanitarne zaštite i zaštitnih mjera izvorišta Kruščica, urađen februara 2021. godine od strane „Encos“ d.o.o. Sarajevo,
- Pravilnik o održavanju, korištenju i posmatranju vodovodnih objekata JP «Vodovod i kanalizacija», maj 2002.godine,
- Kopija Rješenja o koncesiji za korištenje vode sa izvorišta Kruščica, Babina rijeka i Strmešnjak, broj: UP-I-07-25-35/02 izdatog 27.05.2002.godine od strane Federalnog ministarstva poljoprivrede, vodoprivrede i šumarstva,

- Kopija Ugovora o koncesiji za korištenje vode sa izvorišta Kruščica, Babina rijeka i Strmešnjak, sklopljenog između JP «Vodovod i kanalizacija» Zenica i Federalnog ministarstva poljoprivrede, vodoprivrede i šumarstva od 28.08.2002.godine,
- Ispitni izvještaj o verifikaciji mjerača protoka, broj sertifikata: IP-039/21, kalibracija urađena 18.10.2021. godine od strane I.B.E. Junuzović d.o.o. Sarajevo,
- Tabela pregled količina zahvaćene vode sa izvorišta zeničkog vodovodnog sistema za period 2017 – 2021.godina,
- Izvještaji o ispitivanju vode za piće za period 2019-2022 urađeni od strane Instituta za zdravlje i sigurnost hrane.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je obilazak predmetnog izvorišta te je sačinjen zapisnik o izvršenom uviđaju broj: UP-1/21-3-40-335-3/22 od 06.07.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Izvorište Kruščica nalazi se na padinama planine Kruščica, 6,5 km jugoistočno od Viteza u Srednjobosanskom kantonu. Izdašnost izvorišta Kruščica varira od $Q_{\min} = 300$ l/s do $Q_{\max} = 520$ l/s. Voda sa ovog izvorišta koristi se za vodosnabdijevanje potrošača na teritoriji grada Zenice i općine Vitez.

Federalno ministarstvo poljoprivrede, vodoprivrede i šumarstva je 2002. godine dalo koncesiju JP „Vodovod i kanalizacija“ d.o.o. Zenica za korištenje vode sa izvorišta Kruščica za potrebe vodosnabdijevanja Zenice i Viteza u maksimalnoj količini od 520 l/s. Koncesija je data na rok od 40 godina.

Zahvaćena voda sa kaptaža na izvorištu prikuplja se u sabirni rezervoar i gravitaciono vodi do razdjelne komore. U razdjelnoj komori vrši se raspodjela vode prema rezervoarima Zmajevac i Gradina a za potrebe vodosnabdijevanja potrošača grada Zenice i općine Vitez. Raspodjela vode vrši se automatskim regulacionim ventilom u odnosu 77% za Zenicu i 23% za Vitez a sve u skladu sa Ugovorom o koncesiji.

Na odvodnom cjevovodu iz sabirnog rezervoara ugrađen je mjerač protoka $\Phi 700$ mm, dok su u razdjelnoj stanici ugrađena dva mjerača protoka $\Phi 600$ mm na ogranku za Zenicu i $\Phi 250$ mm na ogranku za Vitez. Na ulazu u rezervoar «Zmajevac II» ugrađen je mjerač protoka $\Phi 400$ mm.

Redovno se vrši baždaranje vodomjera a kao dokaz priložen je Ispitni izvještaj o kalibraciji vodomjera od 18.12.2021. godine.

Poduzimaju se sve potrebne mjere za zaštitu izvorišta i mjere za kontrolu kvaliteta vode koja se isporučuje potrošačima.

Vrši se redovna provjera stanja izvorišta Kruščica, a podaci o proticaju vode, mutnoći vode, količini hlora, nivoima vode u rezervoarima, sa svih mjernih mjesta telemetrijskim putem se prenose u dispečerski centar, gdje se vrši cjelovit nadzor nad operativnim mjernim parametrima.

Redovno se vrši kontrola kvaliteta isporučene vode. Prema predloženim izvještajima kvalitet vode zadovoljava kriterije u skladu sa referentnim vrijednostima iz Pravilnika o zdravstvenoj ispravnosti vode za piće.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz prethodnog Rješenja o vodnoj dozvoli (broj: UP-I/25-3-40-438-3/17 od 17.07.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza u plate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 01.07.2022. godine konstatovano je da podnosilac zahtjeva JP „Vodovod i kanalizacija“ d.o.o. Zenica redovno izmiruje svoje obaveze uplate posebnih vodnih naknada.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-335-2/22 od 04.07.2022.godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata JP „Vodovod i kanalizacija“ d.o.o. Zenica, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64. i 66., 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva JP „Vodovod i kanalizacija“ d.o.o. Zenica, ispunio minimum uslova za izdavanje vodne dozvole za zahvat vode sa izvorišta „Kruščica“, u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području grada Zenica i općine Vitez, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.


Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.inž.građ.

Po ovlaštenju:

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JP „Vodovod i kanalizacija“ d.o.o. Zenica
Ul. Bistua Nuova br. 17, 72000 Zenica
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava